

Með kennaraprik á lofti

BENEDIKT SIGURÐARSON
STJÓRNARFORMAÐUR KEA

„Blessuð sértu sveitin mín“ hljómar nú á ólíklegustu stöðum á Akureyri. Hvarvetna þar sem Benedikt Sigurðarson, stjórnarformaður KEA, sést á ferð má heyra þetta þekkta lag. Ástæðan er sú að nefndur Benedikt er með lagið sem hringitón í gamsanum sínum, og þessa dagana eiga margir erindi við hann og farsímminn hringir ótt og títt. Sennilega aldrei verið fleiri, og það er líka ástæðan fyrir því að Benedikt er „maður vikunnar“ að þessu sinni.

Benedikt komst í fréttirnar þegar hann greindi frá því að Andri Teitsson, framkvæmdastjóri KEA, hefði fallist á að láta af störfum hjá félaginu (NB:KEA er ekki kaupfélag eins og í gamla daga heldur fjárfestingarfélag) í stað þess að taka níu mánaða fæðingarorlof eins og hann á rétt á lögum samkvæmt, en Andri og kona hans eignuðust nýlega tvíbura. Þetta vakti mikið uppánám og hneykslan, því gagnvart fæðingarorlofi eiga víst allir að vera jafnir, og skiptir þá engu máli þótt forstjóri með milljón á mánuði eða tvær eigi í hlut og almennasjóðir þurfi að greiða laun hans að stórum hluta í orlofinu. Svo liðu nokkrir dagar með reiðum álitsgjöfum, og þá kom allt í einu sú frétt að í rauninni hefði framkvæmdastjóranum ekki verið sagt upp vegna fæðingarorlofsins heldur af því að hann hefði ekki staðið sig nógu vel og ruglað saman eigin hagsmunum og KEA í einhverjum fjárfestingum. Þessu hefur svo aftur verið mótmælt og vita menn nú ekki lengur hvað er rétt og hvað er rangt í þessu einkennilega máli.

Eftir stendur að Benedikt þykir hafa haldið klaufalega á sínum hlut og KEA fengið vonda pressu. En klaufaskapur er þó engan veginn einkenni hans að

sögn Akureyringa sem til hans þekkja. Um Benedikt, sem yfirleitt er bara kallaður Bensi, er það að segja að hann er gamall barnakennari. Eftir kennaranám og framhaldsnám í Kanada var hann

bróðir annars nafnkunns manns á Akureyri, Erlings Sigurðarsonar. Benedikt fær þá umsögn hjá bæjarbúum sem þekkja til að hann sé heiðarlegur, stefnufastur, fylginn sér. Sem stjórnandi þykir hann fylgja vel eftir þeim málum sem hann tekur að sér, jafnvel svo að heyrst hefur kvörtun um að hann sé farinn að anda ofan í háls málið á undirmönnum sínum. Barnakennarinn er ríkur í honum. Kennaraprikid aldrei langt undan. Hann þykir snöggur upp á lagið og sagt er að það geti stormað í kringum hann, en kosturinn sé sá að hann taki yfirleitt vel rökum og reiðin renni fljótt af honum. Hann er sagður stjórnsamur, en sækist ekki eftir völdum. Hann vilji frekar koma málum fram, heldur en að drottna yfir rekstri og framkvæmdum.

Benedikt er formaður Sundsambands Íslands, en hefur þó ekki sjálfur safnað verðlaunagripum, heldur eru það kona hans, Helga Sigurðardóttir, og dæturnar, Þorgerður lífræðingur og Sigrún menntaskólanemi, sem allar hafa staðið sig vel í þeirri íþrótt. Sigrún er í unglíngalandsliðinu. Benedikt stendur frekar á laugarbakkanum og hrópar hvatningarorðin. Hann stundar hestamennsku og á nokkra hesta. Heyrist hann gjarnan taka lagið þegar riðið er um nærsveitir Akureyrar, enda góður söngmaður og fyrrum félagi í Kirkjukór Akureyrarkirkju.

Ekki er líklegt að Andramálið hafi áhrif á stöðu Benedikts hjá KEA. Fleiri en hann í stjórn félagsins voru ósáttir við framkvæmdastjórnann fyrrverandi. Þegar fjölmiðlafárinu út af fæðingarorlofinu linnir snúa KEA-menn sér að því aftur að efla norðlenska byggð, enda kjörorð þeirra „Blessuð sértu sveitin mín“.



TEKING: HELGI SIGURSSON - HUOERKAIS

nokkur ár skólastjóri Barnaskóla Akureyrar, en er núna aðjunkt við kennaradeild og viðskiptadeild Háskólans á Akureyri. Hann er sveitapiltur að upplagi, ættaður frá Grænavatni í Mývatnssveit,

